

**ԴԺՔԱԽՏ ՊԱՏԱՀԱՐՆԵՐԻՑ ԱՊԱՀՈՎԱԳՐՈՒԹՅԱՆ ՊԱՅՄԱՆԱԳՐԻ  
ՎԱՂԱԺԱՄԿԵՏ ԴԱԴԱՐԵՑՄԱՆ ԵՎ ԼՈՒԾՄԱՆ  
ԴԵՊՔԵՐՆ ՈՒ ՊԱՅՄԱՆՆԵՐԸ,  
ԱՊԱՀՈՎԱԴՐԻՆ ՎԵՐԱԴԱՐՁՄԱՆ ԵՆԹԱԿԱ ԱՊԱՀՈՎԱԳՐԱՎՃԱՐՆԵՐԻ  
ՄԵԾՈՒԹՅԱՆ ՉԱՓԸ ԵՎ ՀԱՇՎԱՐԿՄԱՆ ԿԱՐԳԸ**

**1. Ապահովագրության պայմանագիր վաղաժամկետ դադարեցման դեպքերն ու պայմանները**

- 1.1. Ապահովագրական հատուցման երկարաժամկետ վճարմամբ դժբախտ պատահարներից ապահովագրության կանոնների (այսուհետ՝ Կանոններ) համաձայն՝ ապահովագրության պայմանագրի (այսուհետ՝ Պայմանագիր) գործողությունը վաղաժամկետ դադարում է հետևյալ դեպքերում՝
  - 1.1.1. Ապահովագրված անձի մահանալու դեպքում,
  - 1.1.2. Ապահովագրողի կողմից ապահովագրական հատուցում վճարելու գծով իր պարտավորությունները ամբողջությամբ կատարելու դեպքում,
  - 1.1.3. Ապահովադրի կամ Ապահովագրողի՝ Պայմանագրից ցանկացած պահի վաղաժամկետ հրաժարվելու դեպքում, պայմանով, որ Պայմանագրից հրաժարվող կողմը այդ մասին ոչ պակաս, քան 15 օր առաջ պետք է ծանուցի մյուս Կողմին,
  - 1.1.4. Ապահովադրի կողմից Պայմանագրի միակողմանի լուծման դեպքում, եթե վերջինս համաձայն չէ Կանոնների 5.13 կետի համաձայն կատարված փոփոխությունների և/կամ լրացումների կամ Կանոնների 6.3.6 կետի համաձայն Պայմանագրի վերանայված պայմանների հետ,
  - 1.1.5. Ապահովագրողի նախաձեռնությամբ՝ Ապահովադրի կողմից Պայմանագրով սահմանված ժամկետներում ապահովագրավճարի չվճարման (տարաժամկետ վճարման դեպքում՝ դրա հերթական վճարումը չկատարելու) դեպքում,
  - 1.1.6. Ապահովադրի և Ապահովագրողի փոխադարձ համաձայնությամբ,
  - 1.1.7. ՀՀ քաղաքացիական օրենսգրքով, Կանոններով կամ Պայմանագրով նախատեսված այլ դեպքերում:

**2. Ապահովադրին վերադարձման ենթակա ապահովագրավճարների մեծության չափը և հաշվարկման կարգը**

2.1. 1.1.3 կամ 1.1.4 կետերով նախատեսված կարգով Ապահովադրի նախաձեռնությամբ Պայմանագրի վաղաժամկետ դադարեցման դեպքում Ապահովագրողն Ապահովադրին վերադարձնում է Պայմանագրի գործողության չլրացած ժամկետի համար վճարված ապահովագրավճարների և կատարված ապահովագրական հատուցումների դրական տարբերությունը, ընդ որում՝ Ապահովադրին վերադարձման ենթակա գումարի մեծությունը հաշվարկվում է հետևյալ բանաձևով՝

$$V_{\text{Ա}} = \frac{U_{\text{Ա}} \times 75\% - Z_{\text{Ա}}}{O_{\text{Պ}}} \times O_2$$

որտեղ՝

$V_{\text{Ա}}$  – ն Ապահովագրողի կողմից վերադարձման ենթակա ապահովագրավճարի մեծությունն է,

$U_{\text{Ա}}$  – ն Ապահովադրի կողմից վճարված ապահովագրավճարի մեծությունն է,

$Z_{\text{Ա}}$  – ն վճարված և/կամ վճարման ենթակա ապահովագրական հատուցումների մեծությունն է,

$O_{\text{Պ}}$  – ն Պայմանագրի գործողության օրերի քանակն է,

$O_2$  – ն Պայմանագրի դադարեցման պահին Պայմանագրի գործողության չլրացած օրերի քանակն է:

2.2. Կանոնների 1.1.3 կետով նախատեսված կարգով Ապահովագրողի նախաձեռնությամբ Պայմանագրի լուծման դեպքում Ապահովագրողն Ապահովադրին վերադարձնում է Պայմանագրի գործողության չլրացած օրերի համար վճարված ապահովագրավճարը առանց որևէ մասհանումների:

2.3. Պայմանագրի վաղաժամկետ դադարեցման՝ սույն փաստաթղթում ներկայացված դեպքերից բացի այլ հիմքերով Պայմանագիրը վաղաժամկետ դադարեցվելու դեպքերում Ապահովադրին վերադարձման ենթակա ապահովագրավճարի մեծության չափը հաշվարկվում է ՀՀ օրենսդրությամբ սահմանված կարգով: